

E a bulu balavu sara ko koya ka laki yacova sara na nona vakacegu yani vakadua.
Ena gauna oqo era se dau nanumi koya tiko ga na lewe ni i To vaka Marist ka ra okati koya me tamadra vakayalo ka nodra i liuliu ka a tauyavutaka na nodra i To.



Na Bula nei Jean-Claude Colin

O koya ka tauyavutaka
na i To i Maria



E a sucu o Jean-Claude Colin ena dua na koro lailai mai Varanise.

E ratou lewe vitu na tacina.

Na nodratou i tikotiko vakamatavuvale e a toka tikiva e dua na veikau e na dua na veidelana.



Sa qai yaco me solia na veiliutaki o Faca Jean-Claude vua e dua tale me i liuliu ni Marist, ka solia vakatabaki dua o koya na nona gauna me dau masu ka volavola talega.

E a toki ki na dua na vanua tu vagalala ena taudaku ni koro me lako ka tiko kina, ka me tomana na nona tuvana na lawa ni i To kei na nona vaqaqacotaka na veika ena dusimaka na yalo ni bula vaka Marist.



A mani talaci ira na i sevu ni lawalawa laki vaku
katubu lotu ki na vei vanua ciri yawa e Oceania o Faca Jean-Claude.

Ni sa oti e vica na yabaki era sa curu talega
me ra Marist e levu tale na gone tagane ka
mani rawa kina me talai ira talega ko Faca
Jean-Claude ki na wasa Pasifika me ra lako ka
vakatubu lotu, ka rawa talega kina me dolava
e vica tale na nodra koronivuli e Varanise.



O tamai Jean-Claude Colin e dau vukea na turaga bête, ka dau vunitaki koya mai vei ira na vakailesilesi vaka Matanitu ka ra dau via mai vesuki koya ena gauna a tiko yavavala kina na Lotu kei na Matanitu.

E na so na gauna e ratou dau dro ki veikau me ratou laki vuni tu kina.

E rau a tauvi mate bibi o rau na nonai tubutubu ka vakavuna sara na nodrau mai mate ruarua ni bera ni yacova na yabaki lima o Jean-Claude Colin. Sa qai qaravi iratou na veitacini e dua na nodratou momo dau yalo loloma.

Sa tokisara o Jean-Claude Colin ki na dua na koro voleka, me laki tiko vata kei na nona Momo, ka tiko tarava na valenilotu ni parisi na nodratou vale.

E dina ga ni gone mamadua o Jean-Claude ia e dau taleitaka me vukea na turaga bête ena gauna ni
Misa.

Ena so na gauna e dau lako me lai tu vakonomudi
taudua tu e na loma ni veikau.



Ea qai vaka "Io" na Tui Tabu ki na nodratou kerekere na bête ni Marist ni sa vakanuya o Faca Jean-Claude me ra laki vaku-tubu lotu ena vei yanuyanu ena wasa Pasifika o ira na Marist.

A qai digitaki o Faca Jean-Claude me liutaki ira na Marist, ka ratou mani yalayala kece me ratou bulataka na bula vaka Marist.





Sa qai vavaca yani nai lakolako balavu ki Roma o Faca Jean-Claude me laki kerea na veivakadonui mai Roma, me baleta nai To i Maria.

Era nanuma na Bisovi mai kea ni sa rui rabailevu na nodratou i nakinaki: dua ga na vunikau vaka Marist ka me levu na tabana.



Ni sa yacova na yabaki 14 ko Jean-Claude, sa lako ki na dua na koronivuli curu i bure.

E levu vei ira na gone tagane era sa nanuma tiko me ra laki vuli bête. Sa mani tugana lo e lomana o Jean-Claude se na turaga bête tale ga o koya se sega.

E na vica na yabaki tale e muri a qai laki vuli ena rua tale na koronivuli toro cake. E a gone vuli vinaka sara o koya, ia e leqa ga ni dau tauvimate sara vakalevu ena so na gauna.



A mani gole sara ki na dua na koro vakavavalagi me laki
tomana na nona vuli bête.

A vure vakawasoma e lomana na vakasama ni sa kerei
koya tiko na Tinada Tabu o Maria, me tauyavutaka e dua
na matavuvale vou ena loma ni Ekelesia.

A mani lako ka lewena sara nai lawalawa cauravou e 12
ka ratou duavata kei na tatadra baleta na matavuvale
oqo, ka me na yacana nai To i Maria.

Era na lewena na turaga bête, sisita, baraca kei ira na
turaga kei na marama lewe ni vanua, me vaka ga e dua
na vunikau ka levu na tabana.



E a kerei Faca Jean-Claude na bisovi
me qarava na koronivuli.

Sa mani yaco me ra qasenivuli
talega na Marists me i kuri ni nodra
cakacaka ni dau vakatubu lotu.

Na i sevu ni nodra cakacaka ni va-katubu lotu na Marist a vakayacori ena vei ulunivanua ka ra ubi tu ena wai cevata.

E dua na bula vou ni vakanuinui kei na vakabauta e ratou kauta mai vei ira na tamata o Faca Jean-Claude kei ratou na nona i tokani.



Ena siga ka tarava na siga ni nona buli me bête o Jean-Claude, e ratou gole na i lawala-wa 12 oqo me ratou laki tekiduru ena mata ni kedrau i vatakarakara ko Maria kei Jisu.

E ratou a yalataka ni ratou na tauyavutaka na i To i Maria ena kena gauna totolo taudua.

E ratou sa na vakatokayacataki me ratou ‘Marists’.



